

**Akileraruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffia pillugu Namminersornerullutik Oqartussat nalunaarutaat nr. 29, 1. december 2006-imeersoq**

Aningaasarsianit akilerarutit pillugit Inatsisartut inatsisaanni nr. 12, 2. november 2006-imeersumi, § 71, imm. 1, aamma § 109, imm. 1 aamma imm. 2 naapertorlugit makku aalajangersarneqarput:

Atuuffia

§ 1. Nalunaarut atuutissaaq kalaallit umiarsuaannut ilaasunik angallassissutinut 1.100 bruttotonsinik taakkualuunniit sinnerlugit usisinnaassuseqartunut, takornarianik angallassissutitut imaluunniit ilaasunik nalinginnaasunik takornarianillu angallassissutitut ingerlaartunut, aammalu akileraruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianut ilanngukkumaneqartunut.

Oqartussaasutut nalunaarsuisoq aamma nalunaarsugassanik nalunaaruteqartarneq

§ 2. Nalunaarsuinnermut tunngatillugu suliassat, tassa imaappoq akileraruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianut ilanngussinerit tassanngaanniillu piiannerit akileraruseriffimmit isumagineqassapput.

Imm. 2. Akileraruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianut nalunaarsuineq elektroniskiusumik ingerlanneqassaaq.

§ 3. Kalaallit umiarsuaannik ilaasunik angallassissummik piginnittup, umiarsuup ilaasunik angallassissutip akileraruseriffiup umiarsuarni inuttat akissarsiaat pillugit aqqissuussinermut ilaasunik nalunaarsuiffianut ilanngunneqarnissaanik kissaateqartup allaganngorlugu nalunaarut akileraruseriffimmut nassiutissavaa.

Imm. 2. Nalunaarut umiarsuup ilaasunik angallassissutip aqqa, angerlarsimaffia, umiarsuup ilaasunik angallassissutip usisinnaassusia kiisalu umiarsuup ilaasunik angallassissutip, aningaasarsianit akilerarutit pillugit Inatsisartut inatsisaanni § 71, imm. 2-mut naapertuuttumik atornerqarnera ingerlaarneralu pillugit paasissutissanik imaqassaaq.

Imm. 3. Umiarsuarmi ilaasunik angallassissummi sulisut tamarmik akissarsiaat sulinermilu atugassarisaat pillugit isumaqatigiissutit taamatut sulinerinnarmut atuuttuunerisa taakkunani erseqqissumik allassimanerannut uppersaasat nalunaarummut ilanngullugu nassiunneqassaaq.

Imm. 4. Umiarsuaq ilaasunik angallassissut akileraaruseriffiup umiarsuarni inuttat akissarsiaat pillugit aaqqissuussinermut ilaasunik nalunaarsuiffianut ilanngunneqarpat ulloq ilanngunneqarfia tassaassaaq ulloq allaganngorlugu nalunaarutip tiguneqarfia, aatsaalli piginnittup ulloq ilanngunneqarfissaq kingusinnerusoq kissaatigisimangippagu.

§ 4. Umiarsuup ilaasunik angallassissutip akileraaruseriffiup umiarsuarni inuttat akissarsiaat pillugit aaqqissuussinermut ilaasunik nalunaarsuiffianut nalunaarsorneqarsimasup piginnittuata paasissutissanut § 3, imm. 2 aamma 3 naapertorlugit nalunaarutigineqarsimasunut allannguutit ingerlaannartumik nalunaarutigisassavai.

#### Akileraaruseriffiup umiarsuarni inuttat akissarsiaat pillugit aaqqissuussinermut ilaasunik nalunaarsuiffianit piiarneqartarneq

§ 5. Umiarsuaq ilaasunik angallassissut akileraaruseriffiup umiarsuarni inuttat akissarsiaat pillugit aaqqissuussinermut ilaasunik nalunaarsuiffianit piiarneqassaaq:

- 1) Tamanna umiarsuarmik ilaasunik angallassissummik piginnittup allaganngorlugu qinnutigippagu.
- 2) Aningaasarsianit akileraarutit pillugit Inatsisartut inatsisaanni § 34 b-mi piunasaqaatit eqquutsinneqarunnaarsimappata.
- 3) Umiarsuaq ilaasunik angallassissut atoqqittussaajunnaarlugu aserorterneqarpat, umiuppat tammarpalluunniit.

§ 6. Akileraaruseriffiup umiarsuarni inuttat akissarsiaat pillugit aaqqissuussinermut ilaasunik nalunaarsuiffianit § 5, nr. 2 naapertorlugu paaasoqassanngilaq, taamaaliornissaq akileraaruseriffimmit umiarsuup ilaasunik angallassissutip piginnittuanut nalunaarutigineqarsimatinnagu, aammalu nalunaarutip nassiunneqarneraniit piffissaliussa qullunik 10-nik sivilissuseqartoq qaangiussimatinnagu.

#### Pineqaatissiisarneq

§ 7. § 4-mik unioqqutitsineq akiliisitsissummik pillarneqaataasinnaavoq.

Imm. 2. Aktieselskabi, anpartsselskabi assigisaalluunniit unioqqutitsippat selskabi taanna taamatulli akiliisitsissummik pillarneqarsinnaavoq.

§ 8. Nalunaarut ullormi 1. januar 2007-imi atortuulissaaq.

Imm. 2 . Ilutigitillugu Akileraartarnermut Pisorta qarfiup umiarsuarni inuttat akissarsiaat pillugit aaqquissuussinermit ilaasunik nalunaarsuiffia pillugu nalunaarut nr. 7, 28. marts 2006-imeersoq atorunnaarsinneqarpoq.

Namminersornerullutik Oqartussat, ulloq 1. december 2006

Josef Motzfeldt

/

Kaare Hagemann